

# 本能寺之變

1  
 2  
 3 夜渡大江山至老坂。右折則走備中道也。光  
 4 秀乃左馬首而馳。士卒驚異。既涉桂川。光秀  
 5 乃舉鞭東指、颺言曰「吾敵在本能寺矣」。衆  
 6 始知其反也。昧爽、困本能寺、呼譟而入。弓  
 7 銃交發。信長在臥內、驚起曰「反者誰」。令  
 8 蘭丸出視其旗幟。返報曰、「惟任光秀也」。信  
 9 長曰「豎子敢爾」。乃手弓而出。蘭丸以下宿  
 10 直者、皆肉薄拒戰。信長親射斃數人。弦絕、  
 11 執槍而鬪、傷右肱。乃走入、揮姬妾、使逃走。  
 12 縱火自殺。年四十九。蘭丸及二弟坊丸、力丸、  
 13 及金森長則、高橋寅松、矢代勝介、判正林等  
 14 百余人、皆力戰死之。光秀索信長首、不得。  
 15 意甚懼。

16  
17 (賴山陽『日本外史』)

# 『素問』瘧論篇第三十五 ④

帝曰「夫經言、「有餘者寫之、不足者補之」。今熱爲有餘、寒爲不足。夫瘧者之寒、湯火不能溫也。及其熱、冰水不能寒也。此皆有餘不足之類。當此之時、良工不能止、必須其自衰、乃刺之、其故何也、願聞其說」

岐伯曰「經言「無刺熇熇之熱、無刺渾渾之脉、無刺漉漉之汗」故爲其病逆、未可治也。夫瘧之始發也、陽氣并於陰。當是之時、陽虛而陰盛、外無氣、故先寒慄也。陰氣逆極、則復出之陽、陽與陰復并於外、則陰虛而陽實、故先熱而渴。夫瘧氣者、并於陽則陽勝、并於陰則陰勝、陰勝則寒、陽勝則熱。瘧者、風寒之氣不常也。病極則復、至病之發也、如火之熱、如風雨、不可當也。故經言曰「方其盛時、必毀、因其衰也、事必大昌」此之謂也。夫瘧之未發也、陰未并陽、陽未并陰、因而調之、眞氣得安、邪氣乃亡。故工不能治其已發、爲其氣逆也」

## 『甲乙經』陰陽相移發三瘧

問曰「經言、「有餘者寫之、不足者補之」。今熱爲有餘、寒爲不足。夫瘧之寒、湯火不能溫。及其熱、冰水不能寒。此皆有餘不足之類。當此之時、良工不能止、必待其自衰、乃刺之、何也」

對曰「經言「無刺熇熇之熱、無刺渾渾之脉、無刺漉漉之汗」爲其病逆、未可治也。夫瘧之始發也、陽氣并於陰。當是之時、陽虛陰盛而外無氣、故先寒慄也。陰氣逆極、則復出之陽、陽與陰并於外、則陰虛而陽實、故先熱而渴。夫瘧并於陽則陽勝、并於陰則陰勝、陰勝則寒、陽勝則熱。熱瘧者、風寒之「暴氣不常也」。病極則復至、病之發也、如火之熱、如風雨、不可當也。故經曰「方其盛、必毀、因其衰也、事必大昌」此之謂也。夫瘧之未發也、陰未并陽、陽未并陰、因而調之、眞氣乃安、邪氣乃亡。故工不能治已發、爲其氣逆也」

## 『太素』三瘧

帝曰「夫經言、「有餘者寫之、不足者補之」。今熱爲有餘、寒爲不足。夫瘧之寒也、湯火不能溫也。及其熱也、冰水不能寒也。此皆有餘不足之類也。當此時、良工不能止也。必須其自衰、乃刺之、其故何也、願聞其說」

岐伯曰「經言「無刺熇熇之氣、無刺渾渾之脉、無刺漉漉之汗」故爲其病逆、未可治。夫瘧之始發也、陽氣并於陰。當是之時、陽虛而陰盛、外無氣、故先寒慄。陰氣逆極、則復出之陽、陽與陰復并於外、則陰虛而陽實、故熱而渴。夫瘧氣者、并於陽則陽勝、并於陰則陰勝、陰勝則寒、陽勝則熱。瘧、風寒氣也、不常。病極則復至、病之發也、如火之熱、如風雨、不可當也。故經言曰「方其盛時、勿敢必

1 毀、因其衰也、事必大昌」此之謂也。夫瘡之未發也、陰未并陽、陽未并陰、因而  
 2 調之、眞氣得安、耶氣乃亡。故工不能治其已發、爲其氣逆也」

3  
 4  
 5 ○「復」

6 ・復、謂復舊也。言其氣發至極、還復如舊。(王冰注)

7 ・按『甲乙經』作「瘡者，風寒之暴氣不常，病極則復至」。全元起本及『太素』  
 8 作「瘡、風寒氣也、不常、病極則復至。」「至」字連上句，與王氏之意異。(新校  
 9 正)

10 ・王以至字連下句、吳張同。馬志高並據『甲乙』全本『太素』、接上句。汪昂云  
 11 「至字。有連上句讀者言、寒熱復至。今從王氏」(多紀元簡『素問識』)

12  
 13  
 14 ○「無刺熇熇之熱、無刺渾渾之脉、無刺漉漉之汗」

15 ・熇、呼篤反、熱熾盛也。堂堂、兵盛兒。兵之氣色盛者、未可即擊、待其衰、然  
 16 後擊之。刺法亦爾、耶氣盛者、消息按摩、折其大氣、然後刺之、故曰「無刺熇熇  
 17 之熱」也。

18 ・漉漉者、血氣洩、甚大虛、故不可刺之也。

19 ・渾渾、濁亂也。凡候脉濁亂者、莫知所病、故不可刺也。〔『太素』楊上善注〕

20  
 21 ・熇熇，盛熱也。渾渾，言無端緒也。漉漉，言汗大出也。(王冰注)

22  
 23 ・簡按、「渾渾」與『脈要精微論』「渾渾」同義、謂脈盛也。(枚乘)『七發』注「渾  
 24 渾、波相隨貌」。(多紀元簡『素問識』)

25 ・熇熇之熱 先兄曰「易家人九三「家人嗃嗃」。鄭玄曰「嗃嗃、苦熱之意」『釋文』  
 26 劉表章句作「熇熇」。 (多紀元簡『素問紹識』)

27 ・『荀子』富國篇「渾渾如泉源」。注「渾渾、水流貌」(喜多村直寬『素問劄記』)

28  
 29 熇熇…熾也。(火の勢いが強い)

30 多將熇熇。〔『詩』大雅〕↓熇熇然熾盛也。(毛伝)

31 (案)熇有四聲、義並通。

32 熇熇…熱也。

33 先寒後熱、熇熇暍暍然。〔『素問』刺瘡篇〕

34  
 35 渾渾…大也

36 虞夏之書渾渾爾〔『揚子法言』↓深大(五臣音注)〕

- 1 渾渾、大也。渾音魂、通作混。〔《廣雅》〕  
 2 乃合大道、混混。〔《史記》太史公自序〕與渾同。  
 3 渾渾…湧也  
 4 東望渤海、河水所潛也。其源渾渾泡泡。〔《山海經》〕↓渾渾泡泡、水漬湧之聲也。〔郭璞注〕  
 5 渾渾…濁也  
 6 世渾渾難澄。〔晉・陸雲〕『九愍』勿渾渾而濁。〔《旧唐書》張蘊古伝〕通作混。  
 7 渾渾…轉也  
 8 渾渾沌沌、形圓、而不可敗。〔《孫子》兵勢〕↓車騎轉而形圓者出入有道齊整也。〔魏武注〕  
 9 渾渾…淳雅也〔淳||淳、淳朴高雅〕  
 10 虞夏之書渾渾爾〔《揚子法言》〕↓渾渾猶淳淳也〔五臣音注・宋咸〕  
 11 漉漉…流也  
 12 漉、盪也。〔《爾雅》釋言〕↓漉漉出涎沫。〔郭璞注〕  
 13 漉、順流也。〔《說文》〕↓順下之流也。釋言曰「漉、盪也」。盪同漉酒之漉。〔《國語》〕『史記』「龍漉」。韋昭曰「漉、龍所吐沫。按龍沫必徐徐漉下。故亦謂之漉」。〔段玉裁〕『說文解字注』〔龍沫||龍涎〕  
 14 漉、浚也。〔《說文》〕  
 15 ↓〔《礼記》〕月令、仲春「毋竭川澤、毋漉陂池」。注「順陽養物也」。〔段玉裁〕『說文解字注』  
 16 〔一曰水下兒也。〕〔《說文》〕↓鉉本無、今依錯本。封禪文「滋液滲漉」後世言漉酒、是此義。〔段玉裁〕『說文解字注』  
 17 盪通作漉。  
 18  
 19  
 20  
 21  
 22  
 23  
 24  
 25  
 26  
 27  
 28  
 29  
 30  
 31  
 32

〔史夢蘭〕『疊雅』

○もうひとつの俚諺

- ・「方其盛時、必毀、因其衰也、事必大昌」
- ・「方其盛也、勿敢毀傷、刺其已衰、事必大昌」〔《靈樞》逆順第五十五〕
- ・「方其盛時、勿敢必毀、因其衰也、事必大昌」〔《太素》〕
- ・此宜從『靈樞』、乃「傷」「昌」二字押韻。〔森立之〕『素問攷注』